0.0.1 nibbedhikasuttam: excerpt

- 1. kammam bhikkhave veditabbam kammānam nidānasambhavo veditabbo, kammānam vemattatā vedibbā, kammānam vipāko veditabbo, kammanirodho veditabbo, kammanirodhagāminī paţipadā veditabbā"ti iti kho panetam vuttam, kiñcetam paţicca vuttam:
- 2. cetanāham bhikkhave kammam vadāmi, cetayitvā kammam karoti kāyena vācāya manasā,
- **3.** katamo ca bhikkhave kammānam nidānasambhavo: phasso bhikkhave kammānam nidānambhavo.
- 4. katamā ca bhikkhave kammānam vemattatā: atthi bhikkhave kammam nirayavedanīyam, atthi kammam tiracchānayonivedanīyā, atthi kammam pettivisayavedanīyam, atthi kammam manussalokavedanīyam, atthi kammam devalokavedanīyam. ayam vuccati bhikkhave kammānam vemattatā.
- 5. katamo ca bhikkhave kammānam vipāko: tividhāham bhikkhave kammānam vipākam vadāmi: diţţhevā dhamme, upajje vā, apare vā pariyāye. ayam vuccati bhikkhave kammānam vipāko.
- **6.** katamo ca bhikkhave kammanirodho: phassanirodho bhikkhave kammanirodho.

- 7. ayameva ariyo aṭṭhaṅgiko maggo kammanirodhagāmini paṭipadā. seyyathī*daṃ: sammādiṭṭhi sammādiṭṭhi sammāsaṅkappo sammāvācā sammākammanto sammā ājī sammāvāyāmo sammāsati sammāsamādhi.
- 8. yato ca kho bhikkhave ariyasāvako evam kammam pajānāti, evam kammāna nidānasambhavam pajānāti, evam kammānam vemattatam pajānāti, evam kammānam vipākam pajānāti, evam kammanirodham pajānāti, evam kammanirodhagāmini paṭipadam pajānāti. so imam nibbodhikam brahmacariyam pajānāti kammanirodham.
- 9. "kammam bhikkhave veditabbam kammānam nidānasambhavo veditabbo, kammānam vemattatā veditabbā, kammānam vipāko veditabbo, kammanirodho veditabbo, kammanirodhagāminī paṭipadā veditabbā"ti iti yantam vuttam, idametam paṭicca vuttam.
- 10. dukkham bhikkhave veditabbam, dukkhassa nidānasambhavo veditabbo, dukkhassa vemattatā veditabbā, dukkhassa vipāko veditabbo, dukkhassa nirodhagāminī² paṭipadā veditabbā"ti iti kho panetam vuttam, kiñcetam paṭicca vuttam

¹dukkhanirodho - machasam.

pts page 416

²dukkhanirodhagāmini - machasam.

- 11. jātipi dukkhā jarāpi dukkhā vyādhipi dukkho maraņampi dukkham soka paridevadukkhadomanassupayāsāpi dukkhā yampiccham na labhati tampi dukkham, sankhittena pancupādānakkhandhā dukkhā.
- **12.** katamo ca bhikkhave dukkhassa nidānasambhavo: taṇhā bhikkhave dukkhassa nidānasambhavo:
- 13. katamā ca bhikkhave dukkhassa vemattatā: atthi bhikkhave dukkham adhimattam, atthi parittam, atthi dandhavirāgī³ atthi khippavirāgī. ayam vuccati bhikkhave dukkhassa vemattatā.
- 14. katamo ca bhikkhave dukkhassa vipāko: idha bhikkhave ekacco yena dukkhena ahibhūto pariyādinnacitto socati, kilamati, paridecati, urattāļim kandati, sammohamāpajjati. yena vā pana dukkhena abhibhūto pariyādinna citto bahiddhā pariyeṭṭhim ājjati " ko ekapadam dipadam pajānāti imassa dukkhassa nirodhāyā"ti. sammohavepakkam vāham bhikve dukkham vadāmi pariyeṭṭhivepakkam vā.
- **15.** katamo ca bhikkhave dukkhanirodho: taṇhānirodho bhikkhave dukkhanirodho.
- **16.** ayameva ariyo aṭṭhaṅgiko maggo dukkhanirodha-gāminī paṭipadā. seyyathīdaṃ: sammādiṭṭhi sammā-

³dandhavirāgam - katthaci. bjt page 210

sankappo sammāvācā sammākammanto sammā ājīvo sammāvāyāmo sammāsati sammāsamādhi.

- 17. yato ca kho bhikkhave ariyasāvako evam dukkham pajānāti, evam dukkhassa nidāna sambhavam pajānāti, evam dukkhassa vemattatam pajānāti, evam dukkhassa vipākam pajānāti, evam dukkhanirodham pajānāti, evam dukkhanirodhagāminim paṭipadam pajānāti, so imam nibbedhikam brahmacariyam pajānāti dukkhanirodham.
- 18. "dukkham bhikkhave veditabbam, dukkhassa nidānasambhavo veditabbo, dukkhassa vemattatā veditabbā, dukkhassa vipāko veditabbo, dukkhanirodho veditabbo, dukkhanirodhagāminī paṭipadā veditabbāti" iti yantam vuttam, idametam paṭicca vuttam. ayam so kho bhikkhave nibbedhikapariyāyo dhammapariyāyoti.